



王叔和脉經

一之二

特別  
498  
2



藏  
498  
卷 2

脉經卷之一



松井家藏

晉 太醫令王叔和編輯

明 晉安 袁 表類校

鹿城 沈際飛重訂

雲林 龔居中鑒定

脉形狀指下秘訣第一 二十四種

浮脉舉之有餘按之不足浮於手下

芤脉浮大而軟按之中央空兩邊實一日手中無兩傍有

洪脉極大在指下一日浮而大

脉經

卷一

滑脉往來前却流利展轉替替然與數相似曰

浮中如有力。一曰漉漉如欲脫。

數脉去來促急一曰數者進之名。

促脉來去數時一止復來。

弦脉舉之無有按之如弓弦狀按之不移。

緊脉數如切繩狀索之無常。

沈脉舉之不足按之有餘一曰重按。

伏脉極重指按之着骨乃得一曰手下裁動。

無有。一曰閉上沉不出名曰伏。

革脉有似沈伏實大而長微弦金翼以革為牢。

實脉大而長微強按之隱指幅幅然一曰沈浮皆得。

微脉極細而軟或欲絕若有若無一曰小也。一曰浮而薄。一曰按之如欲盡。

瀦脉細而遲往來難且散或一止復來一曰浮而短。一曰短而止。

或曰散也。

細脉小大於微常有直細耳。

軟脉極軟而浮細一曰按之無有舉之有餘。一曰小而軟。軟亦作濡。日濡者

如帛衣在水。中。輕手相得。

弱脈極軟而沈細。按之欲絕指下。一日按之得舉之無有

虛脈遲大而軟。按之不足。噫指豁豁然空。

散脈大而散。散者氣實血虛。有表無裏。

緩脈去來亦遲。小駛於遲。一日浮大而軟。陰浮與陽同等。

遲脈呼吸三至。去來極遲。一日舉之不足。按之盡牢。一日按之盡牢。

舉之無有

結脈往來緩時一止復來。按之來緩時一止者。名結。陽初來動止更

來。小數不能自還。舉之則動。名結陰。

代脈來數中止不能自還。因而復動。脈結者生。

代者死。

動脈見於關上無頭尾。大如豆。厥厥然動搖。傷

論云陰陽相搏。名曰動。陽動則汗出。陰動則發熱。形冷惡寒。數脈見於關上。上下無頭尾。如豆者。名曰動。

者名曰動。

浮與芤相類。與洪相類。弦與緊相類。革與實相類。金

翼云牢與實相類。滑與數相類。沈與伏相類。微與濇相

類。軟與弱相類。緩與遲相類。

平脈早晏法第二一條

黃帝問曰。夫診脈常以平旦。何也。岐伯對曰。平

且者陰氣未動。陽氣未散。飲食未進。經脈未盛。絡脈調均。血氣未亂。故乃可診。過此非也。千金同素問。太素云。切脈動靜。而視精明。察五色。觀五藏。有過之脈。有餘不足。六腑強弱。形之盛衰。以此參伍。決死生之分。

分別三關境界脈候所主第三 一條

從魚際至高骨。其骨自高却行一寸。其中名曰寸口。從寸至尺。名曰尺澤。故曰尺寸。寸後尺前。名曰關。陽出陰入。以關為界。陽出三分。陰入二分。故

曰三陰三陽。陽生於尺。動於寸。陰生於寸。動於尺。寸主射上焦。出頭及皮毛。竟手關。主射中焦。腹及腰。尺主射下焦。少腹至足。

辨尺寸陰陽榮衛度數第四 凡三條

夫十二經皆有動脈。獨取寸口。以決五藏六腑死生吉凶之候者。何謂也。然寸口者。脈之大會。手太陰之動脈也。人一呼。脈行三寸。一吸。脈行三寸。呼吸定息。脈行六寸。人一日一夜。凡一萬三千五百息。脈行五十度。周於身。漏水下百刻。

榮衛行陽二十五度行陰亦二十五度為一周  
 天時也故五十度而復會於手太陰太陰者寸  
 口也。即五臟六腑之所終始故取法於寸口。  
 脈有尺寸。何謂也。然尺寸者脈之大會要也。從  
 關至尺是尺內陰之所治也。從關至魚際是寸  
 口內陽之所治也。故分寸為尺。分寸為寸。故陰  
 得尺內一寸。陽得尺內九分。尺寸終始一寸九  
 分。故曰尺寸也。

脈有太過有不及。有陰陽相承。有覆有溢。有關  
 有格。何謂也。然關之前者陽之動也。脈當見九  
 分。而浮過者。法曰太過。減者。法曰不及。遂上魚  
 為溢。為外關內格。此陰乘之脈也。關之後者陰  
 之動也。脈當見一寸。而沈過者。法曰太過。減者  
 法曰不及。遂入尺為覆。為內關外格。此陽乘之  
 故曰覆溢。是真藏之脈也。人不病自死。

平脈視人。大小長短。男女逆順。法第五條  
 凡診脈。當視其人。大小長短。及性氣緩急。脈之  
 遲速。大小長短。皆如其人。形性者。則吉。反之者。

則為逆也。脈三部大都欲等。至如小人婦人細人脈小軟。小兒四五歲脈呼吸入至細數者吉。  
千金翼云。人大而脈細。人細而脈大。人樂而脈實。人苦而脈虛。性急而脈緩。性緩而脈躁。人壯而脈細。人羸而脈大。此皆為逆。逆則難治。反此為順。順則易治。凡婦人脈常欲濡弱。於丈夫小兒四五歲者。脈自嬰疾。呼吸入至也。男左大為順。女右大為順。肥人脈沈。瘦人脈浮。

持脈輕重法第六 一條

脈有輕重者。何謂也。然初持脈如三菽之重。與皮毛相得者。肺部也。  
菽者。小豆言。脈輕如三小豆之重。浮之在皮毛之間。故言肺部也。如六菽之重。與血脉相得者。心部也。

也。  
心主血脉。次於肺。如六豆之重。如九菽之重。與肌肉相得者。脾部也。  
脾在中。夾主肌肉。故如十一菽之重。與筋平者。肝部也。  
肝主筋。又在脾下。故次之。按之至骨。舉之來疾者。腎部也。  
腎主骨。其脈沉至骨。故曰輕重也。

兩手六脈所主五臟六腑陰陽逆順第七 九七條

脈法讚云。肝心出左。脾肺出右。腎與命門俱出尺部。魂魄穀神皆見寸口。左主司官。右主司府。左大順男。右大順女。關前一分。人命之主。左為

人迎右為氣口神門訣斷兩在關後人無二脉  
 病死不愈諸經損減各隨其部察按陰陽誰與  
 先後千金云三陰陰病治官陽病治府奇邪  
 所舍如何捕取審而知者鍼入病愈

心部在左手關前寸口是也即手少陰經也與

手太陽為表裏以小腸合為府合於上焦名曰

神庭在龜尾一作鳩尾

肝部在左手關上是也足厥陰經也與足少陽

為表裏以膽合為府合於中焦名曰胞門一作少陽

在大倉左右三寸

腎部在左手關後尺中是也足少陰經也與足

太陽為表裏以膀胱合為府合於下焦在關元

左

肺部在右手關前寸口是也手太陰經也與手

陽明為表裏以太腸合為府合於上焦名曰呼吸

之府在雲門

脾部在右手關上是也足太陰經也與足陽明

為表裏以胃合為府合於中焦脾胃之間名曰



帝門在季肋下前一寸半。

腎部在右手關後尺中是也。足少陰經也。與足太陽為表裏。以膀胱合為府。合於下焦。在關元右左屬腎。右為子戶。名曰三焦。

辨臟腑病脈陰陽大法第八 九一條

脈何以知臟腑之病也。然數者肺也。遲者臟也。數即有熱。遲即生寒。諸陽為熱。諸陰為寒。故別知臟腑之病也。  
肺者陽故其脈數。臟者陰故其脈遲。陽行遲病則數。陰行疾則遲。

脈來浮大者。此為肺脈也。脈來沉滑堅如石。腎脈也。脈來如弓弦者。肝脈也。脈來疾去遲。心脈也。脈來當見而不見。為病。病有淺深。但當知如何受邪。

辨脈陰陽大法第九 九十條

脈有陰陽之法。何謂也。然呼出心與肺。吸入腎與肝。呼吸之間。脾受穀味也。其脈在中。浮者陽也。沉者陰也。故曰陰陽。心肺俱浮。何以別之。然浮而太散者。心也。浮而

短濇者肺也。腎肝俱沉。何以別之。然平而長者肝也。按之。與舉指來實者。腎也。脾者中州。故其脈在中。千金翼云。遲緩是陰陽之脈也。

脈在陽盛陰虛。陰盛陽虛。何謂也。然浮之損小。沈之實大。故曰陰盛陽虛。沈之損小。浮之實大。

故曰陽盛陰虛。是陰陽虛實之意。陽脈見寸口。浮而實大。今

減而小。故陽虛。按之反實大。故陰盛。

經言脈有二陰一陽。一陰二陽。一陰三陽。有二陽一陰。一陽二陰。一陽三陰。如此言之。寸口有

六脈俱動耶。然經言如此者。非有六脈俱動也。謂浮沉長短滑濇也。浮者陽也。滑者陽也。長者陽也。沉者陰也。濇者陰也。短者陰也。所以言一陰一陽者。謂脈來沉而滑也。一陰二陽者。謂脈來沉滑而長也。一陰三陽者。謂脈來浮滑而長。時一沉也。所以言二陽一陰者。謂脈來浮而濇也。一陽二陰者。謂脈來長而沉濇也。一陽三陰者。謂脈來沉濇而短。時一浮也。各以其經所在名病之逆順也。

凡脉大為陽。浮為陽。數為陽。動為陽。長為陽。滑為陽。沉為陰。澁為陰。弱為陰。弦為陰。短為陰。微為陰。是為三陰三陽也。陽病見陰脉者。反也。主死。陰病見陽脉者。順也。主生。關前為陽。關後為陰。陽數則吐血。陰微則下利。陽弦則頭痛。陰弦則腹痛。陽微則發汗。陰微則自下。陽數口生瘡。陰數加微。必惡寒而煩。撓不得眠也。陰附陽則狂。陽附陰則癲。得陽屬腑。得陰屬臟。無陽則厥。無陰則嘔。陽微則不能呼。陰微則不能吸。呼吸

不足。胸中短氣。依此陰陽。以察病也。

寸口脉浮大而疾者。名曰陽中之陽。病苦煩滿。身熱。頭痛。腹中執痛。寸口脉沉細者。名曰陽中之陰。病苦悲傷不樂。惡聞人聲。少氣。時汗出。陰氣不通。臂不能舉。尺脉沉細者。名曰陰中之陰。病苦兩脛酸疼。不能久立。陰氣衰。小便餘瀝。陰下濕癢。

尺脉滑而浮大者。名曰陰中之陽。病苦小腹痛。滿不能溺。溺即陰中痛。大便亦然。

尺脈牢而長。關上無有。此為陰。于陽其人苦兩脛重。少腹引腰痛。

寸口脈壯大。尺中無有。此為陽。于陰其人苦腰背痛。陰中傷。足脛寒。

夫風傷陽。寒傷陰。陽病順陰。陰病逆陽。陽病易治。陰病難治。在腸胃之間。以藥和之。若在經脈之間。鍼灸病已。

平虛實第十 九三條

人有三虛三實。何謂也。然有脈之虛實。有病之

虛實。有診之虛實。脈之虛實者。脈來爽者為虛。牢者為實。病之虛實者。出者為虛。入者為實。言者為虛。不言者為實。緩者為虛。急者為實。診之虛實者。癢者為虛。痛者為實。外痛內快為外實。內虛內痛外快為內實。外虛故曰虛實也。

問曰。何謂虛實。答曰。邪氣盛則實。精氣奪則虛。何謂重實。所謂重實者。言大熱病。氣熱脈滿。是謂重實。

問曰。經絡俱實。如何。何以治之。答曰。經絡皆實。

是寸脉急而尺緩也。當俱治之。故曰滑則順，澹則逆。夫虛實者，皆從其物類治。五臟骨肉滑利，可以長久。

從橫逆順伏匿脉第十一 凡二條

問曰：脉有相乘，有從，有橫，有逆，有順，何謂也？師曰：水行乘火，火行乘木，名曰從；火行乘水，水行乘金，名曰橫；水行乘土，土行乘水，名曰逆；金行乘水，水行乘火，名曰順。

經言脉有伏匿者，伏匿於何藏而言伏匿也。然

謂陰陽更相乘，更相伏也。脉居陰部，反見陽脉者，為陽乘陰也。脉雖時沉澹而短，此陽中伏陰也。脉居陽部，反見陰脉者，為陰乘陽也。脉雖時浮滑而長，此為陰中伏陽也。重陰者，癰重陽者，狂脫陽者，見鬼脫陰者，目盲。

辨災怪恐怖雜脉第十二 凡六條

問曰：脉有殘賊，何謂也？師曰：脉有弦有緊，有澹有滑，有浮有沉，此六脉為殘賊，能與諸經作病。問曰：嘗為人所難，緊脉何所從而來？師曰：假令

亡汗若吐。肺中寒。故令緊。假令欬者。坐飲冷水。故令緊。假令下利者。以胃中虛冷。故令緊也。  
問曰。翁奄沉名。曰滑。何謂師曰。沉為純陰。翁為正陽。陰陽和合。故脉滑也。

問曰。脉有災怪。何謂師曰。假令人病。脉太陽。病形症相應。因為作湯。比還送湯之時。病者因反吐。若下利。病腹中痛。因問言。我前來脉時不見此症。今反覆變異。故是名為災怪。因問何緣作此吐利。答曰。或有先服藥。今發作。故為災怪也。

問曰。人病恐怖。其脉何類。師曰。脉形如循絲。累累然。其面白脫色。

問曰。人媿者。其脉何等類。師曰。其脉自浮而弱。面形乍白乍赤。

問曰。人不能飲。其脉何類。師曰。其脉自弦而緩。乾燥也。

言遲者。風也。搖頭言者。其裏痛也。行遲者。其表彊也。坐而伏者。短氣也。坐而下膝者。必腰痛。裏實護腹如懷卵者。必心痛。

師持脈病人欠者無病也脈之因伸者無病也  
一曰呻也 假令向壁卧聞師到不驚起而目盼視  
者病也 若三言三止脈之咽垂此為詐病假令  
一云反 脈自和處言此病太重當須服吐下藥針灸數  
面仰視 十百處乃愈疑有關文

遲疾短長雜脈法第十三

九三條

黃帝問曰余聞胃氣手少陽三焦四時五行脈  
 法夫人言脈有三陰三陽知病存亡脈外以知  
 內尺寸大小願聞之岐伯曰寸口之中外別浮

沉前後左右虛實死生之要皆見寸口之中脈  
 從前來者為實邪從後來者為虛邪從所不勝  
 來者為賊邪從所勝來者為微邪自愈一作得者為正  
 邪外結者病癰腫內結者病疝瘕也間來而急  
 者病正在心癰氣也脈來疾者為風也脈來滑  
 者為病食也脈來滑燥者病有熱也脈有澀者  
 為病寒濕也脈逆順之道不與眾謀  
 師曰夫呼者脈之頭也初持之來疾去遲此為  
 出疾入遲為內虛外實初持脈來遲去疾此為

出遲入疾為內實外虛也

脈數則在府遲則在臟脈長而弦病在肝扁鵲云病

出於肝脈小血少病在心洪病出於心脈下堅

上虛病在脾胃扁鵲云病脈滑一作而微浮病

在肺扁鵲云病脈大而堅病在腎扁鵲云脈滑

者多血少氣脈澀者少血多氣脈大者血氣俱

多又云脈來大而堅者血氣俱實脈小者血氣

俱少又云脈來細而微者血氣俱虛沉細滑病

者熱遲濇為寒又云洪數滑疾為熱脈盛滑緊者

病在外熱脈小實而緊者病在內冷脈小弱而

濇謂之久病脈滑浮而疾者謂之新病脈浮滑

其人外熱風走刺有飲難治脈沉而緊上焦有

熱下寒得冷即便下脈沉而細下焦有寒小便

數時苦絞痛下利重脈浮緊且滑直者外熱內

冷不得大小便脈洪大緊急病速進在外苦頭

發熱癰腫脈細小緊急病速進在中寒為疝瘕

積聚腹中刺痛脈沉重而直前絕者其病血在

腸間脈沉重而中散者因寒食成瘕脈直前而



少  
正  
平  
回  
二  
御  
切  
婦  
發  
一  
日

中散絕者病消渴侵淫痛脉沉重前不至寸口  
徘徊絕者病在肌肉遁口脉左轉而沉重者氣  
癥陽在胸中脉右轉出不至寸口者內有肉癥  
脉累累如貫珠不前至有風寒在大腸伏留不  
去脉累累中止不至寸口軟者結熱在小腸膜  
中伏留不去脉直前左右彈者病在血脉中脉  
血也脉後而左右彈者病在筋骨中也脉前大  
後小即頭痛目眩脉前小後大即胸滿短氣上  
部有脉下部無脉其人當吐不吐者死上部無

脉下部有脉雖困無所苦夫脉者血之府也長  
則氣治短則氣病數則煩心大則病進上盛則  
氣高下盛則氣脹代則氣衰細則氣少太素細  
作滑  
濇則心痛渾渾革革至如涌泉病進而危癉癉  
綽綽其去如弦絕者死短而急者病在上長而  
緩者病在下沉而弦急者病在內浮而洪大者  
病在外脉實者病在內脉虛者病在外在上為  
表在下為裏浮為在表沉為在裏

平人得病所起第十四 九十五條

何以知春得病無肝脈也無心脈夏得病無肺脈秋得病無腎脈冬得病無脾脈四季之月得病

假令肝病者西行若食鷄肉得之當以秋時發

得病以庚辛日也家有膠死女生見之以明要

為災不者若感金銀物得之明要二字疑誤

假令脾病東行若食雉兔肉及諸木果實得之

不者當以春時發得病以甲乙日也

假令心病北行若食豚魚得之不者當以冬時

發得病以壬癸日也

假令肺病南行若食馬肉及麀鹿肉得之不者

當以夏時發得病以丙丁日也

假令腎病中央若食牛肉及諸土中物得之不

者當以長夏時發得病以戊巳日也

假令得王脈當於縣官家得之

假令得相脈當於嫁聚家得之或相慶賀者得

之假令得胎脈當於產乳家得之

脈經卷之一終  
假令得囚脈當於囚徒家得之  
假令得休脈其人素有宿病不治自愈  
假令得死脈當於死喪家感傷得之  
何以知人露臥得病陽中有陰也  
何以知人夏月得病諸陽入陰也  
何以知人食飲中毒浮之無陽微細之不可知  
也但有陰脈來疾去疾此相為水氣之毒也脈  
遲者食乾物得之

診病將差難已脈第十五 九二條

問曰假令病人欲差脈而知愈何以別之師曰  
寸關尺大小遲疾浮沉同等雖有寒熱不解者  
此脈陰陽為平復當自愈  
人病其寸口之脈與人迎之脈大小反浮沉等  
者病難已

脈經卷之一終

平三關陰陽二十四氣脉第一  
凡二十四條  
 左手關前寸口陽絕者無小腸脉也苦臍痺小  
 腹中有癥瘕王月即冷上捨心刺手心主經治  
 陰心主在掌後橫理中即太陵穴也  
 左手關前寸口陽實者小腸實也苦心下急痺  
一作急痛小腸有熱小便赤黃刺手太陽經治陽一作  
手少陽太陽在手小指外側本節陷中即後谿穴也  
 左手關前寸口陰絕者無心脉也苦心下毒痛

脉經卷之二

平三關陰陽二十四氣脉第一

凡二十四條

左手關前寸口陽絕者無小腸脉也苦臍痺小  
 腹中有癥瘕王月即冷上捨心刺手心主經治  
 陰心主在掌後橫理中即太陵穴也  
 左手關前寸口陽實者小腸實也苦心下急痺  
一作急痛小腸有熱小便赤黃刺手太陽經治陽一作  
手少陽太陽在手小指外側本節陷中即後谿穴也  
 左手關前寸口陰絕者無心脉也苦心下毒痛

掌中熱時時善嘔口中傷爛刺手太陽經治陽  
左手關前寸口陰實者心實也苦心下有水氣  
憂慧發之刺手心主經治陰

左手關上陽絕者無膽脉也苦膝疼口中苦眯  
目善畏如見鬼狀多驚少力刺足厥陰經治陰  
在足大指間即行間也或刺三毛中

左手關上陽實者膽實也苦腹中實不安身軀  
習習也刺足少陽經治陽在足上第二指本節  
後一寸第二指當云小指  
一次指即臨泣穴也

左手關上陰絕者無肝脉也苦癢遺溺難言脅  
下有邪氣善吐刺足少陽經治陽

左手關上陰實者肝實也苦肉中痛動善轉筋  
刺足厥陰經治陰

左手關後尺中陽絕者無膀胱脉也苦逆冷婦  
人月使不調王月則閉男子失精尿有餘瀝刺  
足少陰經治陰在足內踝下動脉即太谿也

左手關後尺中陽實者膀胱實也苦逆冷脅下  
有邪氣相引痛刺足太陽經治陽在足小指外

側本節後陷中即刺骨穴也

左手關後尺中陰絕者無腎脉也苦足下熱兩

髀裏急精氣竭少勞倦所致刺足太陽經治陽

左手關後尺中陰實者腎實也苦恍惚健忘目

視眈眈耳聾悵悵善鳴刺足少陰經治陰

右手關前寸口陽絕者無大腸脉也苦少氣心

下有水氣立秋節即刻刺手太陰經治陰在魚

際間即大淵穴也

右手關前寸口陽實者大腸實也苦腸中切痛

如錐刀所刺無休息時刺手陽明經治陽在手

腕中即陽谿穴也

右手關前寸口陰絕者無肺脉也苦短氣欬逆

喉中塞噫逆刺手陽明經治陽

右手關前寸口陰實者肺實也苦少氣胸中滿

彭彭與肩相引刺手太陰經治陰

右手關上陽絕者無胃脉也苦吞酸頭痛胃中

有冷刺足太陰經治陰在足大指本節後一寸

即公孫穴也

右手關上陽實者胃實也。苦腸中伏伏。一作不思食物得食不能消。刺足陽明經。治陽在足上動脈。即衝陽穴也

右手關上陰絕者無脾脈也。苦少氣下利腹滿身重。四肢不欲動。善嘔。刺足陽明經。治陽。

右手關上陰實者脾實也。苦腸中伏伏如堅狀大便難。刺太陰經。治陰。

右手關後尺中陽絕者無子。戶脈也。苦足逆寒絕產帶下。無子。陰中寒。刺足少陰經。治陰。

右手關後尺中陽實者膀胱實也。苦少腹滿引腰痛。刺足太陽經。治陽。

右手關後尺中陰絕者無腎脈也。苦足逆冷。上搶胃痛。夢入水。見鬼。善厭。寐黑色。物來掩人。上

刺足太陽經。治陽。

右手關後尺中陰實者腎實也。苦骨痛腰脊痛。內寒熱。刺足少陰經。治陰。

平人迎神門氣口前後脈第二條九三十六

心實

左手寸口人迎以前脉陰實者。手厥陰經也。病苦閉。大便不利。腹滿四肢重。身熱苦胃脹刺。二里。

心虛

左手寸口人迎以前脉陰虛者。手厥陰經也。病苦悸恐不樂。心腹痛難以言。心如寒狀恍惚。

小腸實

左手寸口人迎以前脉陽實者。手太陽經也。病苦身熱熱來去。汗出不出而煩。心中滿身重。

口中生瘡

小腸虛

左手寸口人迎以前脉陽虛者。手太陽經也。病苦顛際偏頭痛耳頰痛。

心小腸俱實

左手寸口人迎以前脉陰陽俱實者。手少陰與太陽經俱實也。病苦頭痛身熱大便難。心腹煩滿不得卧。以胃氣不轉水穀實也。

心小腸俱虛



左手寸口人迎以前脉陰陽俱虛者手少陰與太陽經俱虛也病苦寒少氣四肢寒腸澼

肝實

左手關上脉陰實者足厥陰經也病苦心下堅滿常兩脅痛自忿忿如狀

肝虛

左手關上脉陰虛者足厥陰經也病苦脅下堅寒熱腹滿不欲飲食腹脹悒悒不樂婦人月經不利腰腹痛

膽實

左手關上脉陽實者足少陽經也病苦腹中氣滿飲食不下咽乾頭重痛洒洒惡寒脅痛

膽虛

左手關上脉陽虛者足少陽經也病苦眩厥痿足指不能搖躄坐不能起僵仆目黃失精眊眊

肝膽俱實

左手關上脉陰陽俱實者足厥陰與少陽經俱實也病苦胃脹嘔逆食不消

肝膽俱虛

左手關上脉陰陽俱虛者足厥陰與少陽經俱虛也。病苦恍惚尸厥不知人妄見少氣不能言時時自驚。

腎實

左手尺中神門以後脉陰實者足少陰經也。病苦膀胱脹閉少腹與腰脊相引痛苦舌燥咽腫心煩噎乾骨脊時痛喘咳汗出小腹脹滿腰背強急體重骨熱小便赤黃好怒好忘足下熱疼。

四肢黑耳聾

腎虛

左手尺中神門以後脉陰虛者足少陰經也。病苦心中悶下重足腫不可以按地。

膀胱實

左手尺中神門以後脉陽實者足太陽經也。病苦逆滿腰中痛不可俛仰勞也。

膀胱虛

左手尺中神門以後脉陽虛者足太陽經也。病

苦脚中筋急。腹中痛。引腰背。不可屈伸。轉筋惡風。偏枯。腰痛。外踝後痛。

腎膀胱俱實

左手尺中神門以後。脉陰陽俱實者。足少陰與太陽經俱實也。病苦脊彊。反折。戴眼。氣上搶心。脊痛。不能自反側。

腎膀胱俱虛

左手尺中神門以後。脉陰陽俱虛者。足少陰與太陽經俱虛也。病苦小便利。心痛背寒。時時少

腹滿

肺實

右手寸口氣口以前。脉陰實者。手太陰經也。病苦肺脹。汗出若露。上氣喘逆。咽中塞。如欲嘔狀。

肺虛

右手寸口氣口以前。脉陰虛者。手太陰經也。病苦少氣。不足以息。盜乾。不朝津液。

大腸實

右手寸口氣口以前。脉陽實者。手陽明經也。病

苦腹滿善喘欬面赤身熱咽喉中如核狀

大腸虛

右手寸口氣口以前脉陽虛者手陽明經也病苦胃中喘腸鳴虛渴唇口乾目急善驚泄白

肺大腸俱實

右手寸口氣口以前脉陰陽俱實者手太陰與陽明經俱實也病苦頭痛目眩驚狂喉痺痛手足臂倦唇吻不收捲一作倦一作蹇

肺大腸俱虛

右手寸口氣口以前脉陰陽俱虛者手太陰與陽明經俱虛也病苦耳鳴嘈嘈時妄見光明情中不樂或如恐怖

脾實

右手關上脉陰實者足太陰經也病苦足寒脛熱腹脹滿煩擾不得卧

脾虛

右手關上脉陰虛者足太陰經也病苦泄注腹滿氣逆霍亂嘔吐黃疸心煩不得卧腸鳴

胃實

右手關上脉陽實者足陽明經也。病苦腹中堅痛而熱。千金作病汗不出如溫瘧。唇口乾善噦。乳癰。缺盆腋下腫痛。

胃虛

右手關上脉陽虛者足陽明經也。病苦脛寒不得卧。惡寒洒洒。目急腹中痛。虛鳴。外臺作耳虛鳴時寒時熱。唇口乾。面目浮腫。

脾胃俱實

右手關上脉陰陽俱實者足太陰與陽明經俱實也。病苦脾脹腹堅痛。脅下痛。胃氣不轉。大便難。時反泄利。腹中痛。上衝肺。肝動。五臟並喘鳴。多驚。身熱汗不出。喉痺。精少。並一作立

脾胃俱虛

右手關上脉陰陽俱虛者足太陰與陽明經俱虛也。病苦胃中如空狀。少氣不足以息。四逆寒泄注不巳。

腎實

右手尺中神門以後脉陰實者足少陰經也病苦痺身熱心痛脊脊相引痛足逆熱煩

腎虛

右手尺中神門以後脉陰虛者足少陰經也病苦足脛小弱惡風寒脉代絕時不至足寒上重下輕行不可以按地少腹脹滿止捨芻骨痛引肋下

膀胱實

右手尺中神門以後脉陽實者足太陽經也病

苦轉胞不得小便頭眩痛煩滿脊背疆

膀胱虛

右手尺中神門以後脉陽虛者足太陽經也病苦肌肉振動中筋急耳聾忽忽不聞惡風颼颼作聲

腎膀胱俱實

右手尺中神門以後脉陰陽俱實者足少陰與太陽經俱實也病苦癩疾頭重與自相引痛厥欲起走反眼大風多汗

腎膀胱俱虛

右手尺中神門以後，脈陰陽俱虛者，足少陰與太陽經俱虛也。病苦心痛，若下重，不自收，裏反出，時時苦澗泄，寒中泄，腎心俱痛。一說云：腎有膀胱，右腎合三焦。

平三關病候并治宜第三 九五十一條

寸口脈浮，中風發熱，頭痛，宜服桂枝湯、葛根湯、針風池、風府，向火灸身，摩治風膏，覆令汗出。寸口脈緊，苦頭痛，骨肉疼，是傷寒，宜服麻黃湯。

發汗，出眉衝顛顛，摩治傷寒膏。

寸口脈微，苦寒為衄，宜服五味子湯、摩茱萸膏，令汗出。

寸口脈數，即為吐，以看熱在胃管，熏胃中，宜服藥吐之。及針胃管，服除熱湯。若是傷寒，七八日至十日，熱在中，煩滿渴者，宜服知母湯。

寸口脈緩，皮膚不仁，風寒在肌肉，宜服防風湯，以藥薄熨之，摩以風膏，灸諸治風穴。

寸口脈滑，陽實，胃中壅滿，吐逆，宜服前胡湯、針

太陽巨闕瀉之。

寸口脉絃。心下愠愠。微頭痛。心下有冰氣。宜服甘遂丸。針斯門瀉之。

寸口脉弱。陽虛自汗出。而短氣。宜服茯苓湯。內補散。適飲食。消息勿極勞。針胃管補之。

寸口脉澀。是胃氣不足。宜服乾地黄湯。自養調和飲食。針三里補之。三里一作胃管

寸口脉芤。吐血微芤者。衄血空虛。血去故也。宜服竹皮湯。黃薯湯。灸臆中。

寸口脉伏。胃中逆氣。噎塞不通。是胃中冷氣。上衝心竅。宜服前胡湯。太三建丸。針巨闕。上腕灸臆中。

寸口脉沉。胃中引澀痛。胃中有冰氣。宜服澤漆湯。針巨闕瀉之。

寸口脉濡。陽氣弱。自汗出。是虛損病。宜服乾地黄湯。薯蕷丸。內補散。牡礪散。并粉針。大衝補之。

寸口脉遲。上焦有寒。心痛咽酸。吐酸水。宜服附子湯。生薑湯。茱萸丸。調和飲食。以暖之。



寸口脉實。即生熱。在脾肺。嘔逆氣塞。虛即生寒。在脾胃。食不消化。有熱。即宜服竹葉湯。葛根湯。有寒。即宜服茱萸丸。生薑湯。  
寸口脉細。發熱。吸吐。宜服黃芩龍膽湯。吐不止。宜服橘皮桔梗湯。灸中府。  
寸口脉洪大。胃壅滿。宜服生薑湯。白薇丸。亦可。紫苑湯。下之。針上腕期門章門。  
關脉浮。腹滿。不欲食。浮為虛滿。宜服平胃丸。茯苓湯。生薑前胡湯。針胃腕。先瀉後補之。

關脉緊。心下苦滿。急痛。脉緊者。為實。宜服茱萸當歸湯。又大黃湯。兩治之。良。針巨闕。下管瀉之。

千金云。服茱萸當歸湯。又加大黃三兩佳。

關脉微。胃中冷。心下拘急。宜服附子湯。生薑湯。附子丸。針巨闕。補之。

關脉數。胃中有客熱。宜服知母丸。除熱湯。針巨闕。上管瀉之。

關脉緩。其人不能飲食。此胃氣不調。脾氣不足。宜服平胃丸。補肺湯。針章門。補之。

關脈滑。胃中有熱。滑為熱實。以氣滿。故不欲食。食即吐。遂宜服紫苑湯下之。太平胃丸。針胃管。瀉之。千金云。宜服朴硝麻黃湯平胃丸。

關脈絃。胃中有寒。心下厥逆。此以胃氣虛。故爾。宜服茱萸湯。溫調飲食。針胃管補之。

關脈弱。胃氣虛。胃中有客熱。脈弱為虛熱。作病。其雖云有熱。不可大攻之。熱去則寒起。正宜服竹葉湯。針胃管補之。

關脈澹。血氣逆冷。脈澹為血虛。以中焦有微熱。

宜服乾地黄湯。內補散。針足太衝。上補之。

關脈芤。大便去血數斗者。以膈膈傷。故也。宜服生地黃。并生竹皮湯。灸膈膈。若重下。去血者。針關元。甚者。宜服龍骨丸。必愈。

關脈伏。中焦有水氣。澹泄。宜服水銀丸。針關元。利小便。澹泄便止。

關脈沉。心下有冷氣。苦滿吞酸。宜服白薇茯苓丸。附子湯。針胃管補之。

關脈濡。苦虛冷。脾氣弱。重下病。宜服赤石脂湯。

女萎丸。針關元補之。

關脉遲。胃中寒。宜服桂枝丸。茱萸湯。針胃管補之。

關脉實。胃中痛。宜服梔子湯。茱萸烏頭丸。針胃管補之。

關脉牢。脾胃氣寒。盛熱即腹滿。響響意。宜服紫菀丸。瀉脾丸。針灸胃管瀉之。

關脉細。脾胃虛。腹滿。宜服平姜茱萸蜀椒湯。白薇丸。針灸三管。

關脉洪。胃中熱。必煩滿。宜服平胃丸。針胃管先瀉後補之。

尺脉浮。下熱風。小便難。宜服瞿麥湯。滑石散。針橫骨關元瀉之。

尺脉緊。臍下痛。宜服當歸湯。灸天樞。針關元補之。

尺脉微。厥逆。小腹中拘急。有寒氣。宜服小建中湯。一本更有四順湯。針氣海。

尺脉數。惡寒。臍下熱痛。小便赤黃。宜服鷄子湯。

白魚散針橫骨瀉之

尺脉緩脚弱下腫小便難有餘瀝宜服滑石湯  
瞿麥散針橫骨瀉之

尺脉滑血氣實婦人經脉不利男子溺血宜服  
朴硝煎大黃湯下去經血針關元瀉之

尺脉絃小腹疼小腹及脚中拘急宜服建中湯  
當歸湯針氣海瀉之

尺脉弱陽氣少發熱骨煩宜服前胡湯乾地黄  
湯茯苓湯針關元補之

尺脉瀉足脛逆冷小便赤宜服附子四逆湯針  
足大衝補之

尺脉芤下焦虛小便去血宜服竹皮生地黃湯  
炙丹田關元亦針補之

尺脉伏小腹痛癥瘕水穀不化宜服大平胃丸  
桔梗丸針關元補之

尺脉沈腰背痛宜服腎氣丸針京門補之  
尺脉濡苦小便難千金云脚不收風痺宜服瞿麥湯白魚

散針關元瀉之

尺脉遲。下焦有寒宜服桂枝丸。針氣海關元補之。

尺脉實。小腹痛。小便不禁。宜服當歸湯。加大黃一兩以利大便。針關元補之。止小便。

尺脉牢。腹滿陰中急。宜服葶藶子菜萸丸。針丹田關元中極。

平奇經八脉病第四 九十五條

脉有奇經八脉者。何謂也。然有陽維陰維。有陽蹻陰蹻。有衝有督。有任。有帶之脉。凡此八脉者。皆不拘於經。故曰奇經八脉也。經有十二。絡有十五。凡二十七氣。相隨上下。何獨不拘於經也。然聖人圖設溝渠。通利水道。以備不虞。天雨降下。溝渠溢滿。霧霏妄行。當此之時。聖人不能復圖也。此絡脉流溢。諸經不能復拘也。

奇經八脉者。既不拘於十二經。皆何起何繫也。然陽維者。起於諸陽之會。陰維者。起於諸陰之交。陽維陰維者。維絡於身。溢畜不能環流。漑灌諸經者也。陽蹻者。起於跟中。循外踝而上。行入

風池陰蹻者亦起於跟中循內踝而上行至咽  
 喉交貫衝脉衝脉者起於關元循腹裏直上至  
 咽喉中云衝脉者起於氣衝並陽明督脉者  
 起於下極之輸並於脊裏循背上至風府衝脉  
 者陰脉之海也督脉者陽脉之海也任脉者起  
 於胞門子戶夾臍上行至膻中云任脉者起於中極之下以  
 上毛際循腹裏帶脉者起於季肋迴身一周此  
 八者皆不繫於十二經故曰奇經八脉者也  
 奇經之為病何如然陽維維於陽陰維維於陰

陰陽不能相維悵然失志容容不能自收持  
 者其人驚即維脉緩緩則令身不能自收持即失志善忘恍惚也  
 寒熱陰維為病苦心痛陽維為衛衛為寒熱陰維為榮榮為血血者主  
 心故心陰蹻為病陽緩而陰急陰蹻在內蹻病  
 以上急外陽蹻為病陰緩而陽急陽蹻在外蹻病  
 其人以當從外蹻以內急內蹻以內緩衝之為病逆氣而裏急衝脉  
 元至喉咽故其為督之為病脊強而厥督脉在脊  
 其脉急故任之為病其內苦結男子為七疝女  
 子為癥聚任脉起於胞門子戶故帶之為病若

腹滿腰容容若坐木中狀帶脈者迴帶人之身體病即其脈緩故令

診得陽維脈浮者腰容也此奇經八脈之為病也顛足起目眩陽盛實苦肩息洒

診得陰維脈沈大而實者苦胃中痛脅下支滿心痛

診得陰維如貫珠者男子兩脅實腰中痛女子陰中痛如有瘡狀

診得帶脈左右遶臍腹腰脊痛衝陰股也

兩手脈浮之俱有陽沈之俱有陰陰陽皆實盛者此為衝督之脈也衝督之脈者十二經之道路也衝督用事則十二經不復朝於寸口其人皆苦恍惚狂癡不者必當由豫有兩心也

兩手陽脈浮而細微綿綿不可知俱有陰脈亦復細綿綿此為陰躄陽躄之脈也此家曾有病鬼魅風死苦恍惚亡人為禍也此家以下十字疑衍

診得陽躄病拘急陰躄病緩尺寸俱浮直下直下此為督脈腰背疆痛不得

俛仰太人癩病小兒風癩矣。

脉來中央浮直。上下痛者督脉也。動苦腰背膝

寒大人癩小兒癩也。灸頂上三九正當頂上

尺寸脉俱牢一作直上直下此為衝脉。胃中有

寒疝也。

脉來中央堅實徑至關者衝脉也。動苦少腹痛

上搶心有癥疝。絕孕遺失溺。脅支滿煩也。

橫寸口邊九九此為任脉。苦腹中有氣如指上

搶心不得俛仰拘急。

脉來緊細實長至關者帶脉也。動苦少腹繞臍

下引橫骨陰中切痛。取臍下三寸一作任脉

脉經卷之二終



江氏蘇骨劍中世蘇雅都下三衣  
 出末烈味實其空爾答帶祖也  
 世世古少與蘇神

